


婦人良方

六

特別
64
231 /
6



武中
231
卷 6 止

三刻太醫監補註婦人良方火全卷之二十三

產後門

○產後痢疾作渴方論第

產後下痢作渴者乃內亡津液或胃氣虛不能生津液但止其渴痢
自差

愚按前症若渴而不喜冷飲屬胃氣虛不能生津液宜用七味白
米散夜間發熱口渴屬腎水弱不能潤宜用六味九並佐以益
氣湯以滋化源

附治驗方藥

一產婦瀉痢發熱作渴吐痰肌體消瘦飲食少思或胸膈痞滿或小



腹脹墜年餘矣余以為脾腎之瀉朝用二神丸夕用六君子三月餘而痊

一產婦患前症形 倦怠飲食不進與死為鄰此脾胃俱虛也用四神丸十全大補湯數劑而愈

附方

○七味白朮散

方見二十一卷第二論

○六味丸

方見二十四卷第十一論

○補中益氣湯

○六君子湯

二方見二十四卷第六論

○十全大補湯

方見二十四卷第四論

○四神丸

○二神丸

二方見八卷第八論

○產後大便秘澀方論第二

產後大便秘澀因腸胃虛弱津液不足若小腹悶脹宜服麻仁丸潤

之若用寒瀉則促其危矣

患按前症若計其日期飲食數多即用藥通之禍在反掌之間必待腹滿覺脹欲去不能者乃結在直腸宜用猪膽汁潤之若服苦寒疎通反傷中氣通而不止或成痞症若去血過多用十全大補血虛火燥用加味四物氣血俱虛用八珍湯雖數日不通飲食如常腹中如故仍用八珍加桃仁杏仁治之若泥其日期飲食數多而通之則誤矣

附治驗

一產婦大便七日不通飲食如常腹中如故此腹未滿也用八珍加桃杏二仁至二十一日腹滿欲去用猪膽汁潤去而安

一產婦大便不通或用通利之藥中脘脹痛飲食甚少又用蜜導之

大便不禁吃逆不食余以為脾腎復傷用六君加吳茱肉菓骨脂
五味數劑喜其年壯而愈不然多致不起

一產婦大便秘結小腹脹痛用大黃等藥致吐瀉不食腹痛胸痞余
用六君子加木香炮薑治之而愈○一婦人大便秘澁諸藥不應
苦不可言令飲人乳而安

○麻仁丸

大麻仁研如泥 枳殼 人參各四分 大黃二分

右為末入麻仁煉蜜丸桐子大每服二十九空心溫酒下未通漸
加不可過服

○阿膠枳殼丸 治產後大便秘澁以阿膠枳殼二味等分為末蜜
丸桐子大滑石末為衣溫水下二十九如或未通再服

附方

○十全大補湯 ○八珍湯 二方見二十四卷第四論

○加味四物湯 方見二十四卷第六論

○產後大小便不通方論第三

產後大小便不通因腸胃虛弱津液燥竭故也

愚按前症若參前後論及八卷八論主治

附治驗

一產婦大小便不通諸藥不應將危矣令飲牛乳一日稍通三日而
痊人乳尤善

○桃花散 治膀胱積滯血澁大小便秘

桃仁 葵子 滑石 檳榔等分

右爲末每服二錢空心葱白湯調下
通氣散治產後大小便不退 方見八卷第七論

○產後遺糞方第四

產後遺糞取故燕窠中草燒爲末或枯礬牡蠣或白欵芍藥各等分爲末俱用酒調服或用固腸丸亦可

愚按前症若脾腎虛弱用還少丹仍以補中益氣湯爲主虛寒加肉荳蔻補骨脂或四神丸若脾腎虛寒用八味丸兼四神丸仍佐以前二方

附治驗 小便出尿方藥附

一產婦大便不實飲食少思五更或侵晨遺屎此中氣虛寒脾腎不足用補中益氣送四神丸而痊

一產婦小便出糞名大小腸交乃氣血俱虛失行常道先用六君子湯二劑又用五苓散二劑而痊循常腸交亦可用

附方

○還少丹 治脾腎虛寒飲食少思發熱盜汗遺精白濁又治真氣虧損肌體瘦弱等症

肉蓯蓉

遠志去

茴香

巴戟

乾山藥

枸杞子

熟地黄

石菖蒲

山茱萸去核

牛膝

杜仲去皮薑製

楮實子

五味子

白茯苓各二兩

右各另爲末用棗肉百枚并煉蜜丸桐子大每服五七十九空心温酒或塩湯下日三服

○補中益氣湯 ○六君子湯 二方見二十四卷第六論

言補氣人良方
○四神丸 方見八卷第八論

○八味丸 方見二十四卷第十一論

五苓散 方見二十一卷第十論

○產後諸淋方論第五

產後諸淋因熱客于脬虛則頻數熱則澀痛氣虛兼熱血入胞中則血隨小便出而為血淋也

愚按前症若膀胱虛熱用六味丸若陰虛而陽無以化用滋陰腎氣丸蓋土生金金生水當滋化源仍參第八卷小便淋瀝頻數類

附治驗

一產婦小水淋瀝或時自出用分利降火之劑二年不愈余以為肺腎之氣虛用補中益氣湯六味地黃丸而愈

○滑石散 治熱淋

滑石 五分 研 通草 車前子 葵子 各分

右為末以漿水調服

治小腸有熱小便澀痛或為血淋

麴麥 黃苓 冬葵子 各二兩 通草 二兩 大棗 十二枚

右以水七升煎二升半分二服

治脾氣不利小便不通結紅為末每服二錢空心溫酒下

治肺氣不利小便不通杏仁十四枚去皮尖炒食之

治脬轉小便不利滑石一錢半寒水石一錢水煎服

附方

○六味丸 方見二十四卷第十一論

滋陰腎氣丸

○補中益氣湯

一方見二十四卷第六論

○產後小便頻數方論第六

產後小便數者乃氣虛不能制故也

愚按前症若因穩婆不慎以致胞損而小便淋瀝者用八珍湯以補氣血若因膀胱氣虛而小便頻數當補脾肺若膀胱陰虛而小便淋瀝須補肺腎仍參第八卷小便頻數諸類

附治驗

一產婦小便頻數時忽寒戰乃屬脾肺虛弱用補中益氣加山茱山藥為主佐以桑螵蛸散而愈後患發熱肺熱盜汗自汗月水不調用加味逍遙散而安

一產婦患前症吐痰發熱日晡作渴此膀胱陰虛用補中益氣湯佐

以六味丸而愈又患痢後小便頻數手足俱冷屬陽氣虛寒用煎湯及八味丸而瘳

○桑螵蛸散 治陽氣虛弱小便頻數或為遺尿

桑螵蛸三十箇 鹿茸一兩

黃芪各三兩

牡蠣煨

人參

厚朴

赤石脂各二兩

右為末每服二錢空心粥飲調下

又方用益智仁為末米飲下

附方

○八珍湯 ○加味逍遙散 二方見二十四卷第四論

○補中益氣湯 方見二十四卷第六論

○六味丸 ○八味丸 二方見二十四卷第十一論

○產後小便不禁方第七

廣濟治產後小便不禁用鷄尾燒灰千金翼用白薇芍藥為末俱用
溫酒下日三服或桑螵蛸半兩龍骨一兩為末每服二錢粥飲調下
愚按前症若脾肺陽虛用補中益氣湯若肝腎陰虛用六味地黃
丸若肝腎之氣虛寒用八味地黃丸

附治驗

一產婦小便不禁二年不愈面色或青赤或黃白此肝脾氣血虛熱
用加味逍遙散為主漸愈佐以六味丸而痊後因怒小便自遺大
便不實左目頓緊面色頓赤仍用前散佐以六君子湯以清肝火
生肝血培脾土而瘳

○補脾飲 治胞破小便淋瀝

生絹

黃色半

白牡丹

用州

白芨

各

石水一碗煎至絹爛溫服服後忌言語否則無效

雞內金散治氣虛溺床用雄雞雌脛并腸燒為末溫酒調服

附方

○補中益氣湯

○六君子湯

二方見二十四卷第六論

○六味丸

○八味丸

二方見二十四卷第十一論

○加味逍遙散

方見二十四卷第四論

○產後小便出血方論第八

產後小便出血者因虛熱血滲於肝也以亂髮洗淨燒為末米飲調
服或滑石末一錢生地黃汁調下

愚按前症若膏梁積熱用加味清胃散醇酒濕毒葛根解醒湯怒
動肝火加味小柴胡湯鬱結傷脾加味歸脾湯思慮傷心妙香散

言和如人良方 二
大腸風熱四物側柏槐花大腸血熱四物炒連槐花腸胃虛弱六
君升麻柴胡元氣下陷補中益氣茯苓半夏胃氣虛弱六君升麻
血虛四物升麻氣血俱虛八珍柴胡升麻大凡元氣虛弱而發熱
者皆內真寒而外假熱也但用六君或補中益氣加炮薑溫補脾
氣諸症悉退若四肢畏冷急加附子

附治驗方藥

大便下血附

一產婦尿血面黃腸脹少食此肝木乘脾土也用加味道遙補中益
氣兼服而愈後爲懷抱不樂食少體倦驚悸無寐血仍作用加味
歸脾湯二十餘劑將愈惑於衆論服犀角地黃湯諸症復作仍服
前湯而愈

一產婦糞後下血食少體倦此脾氣虛熱用補中益氣加吳茱炒黃
連五分四劑頓愈用歸脾湯而痊

一婦人怒則便血寒熱口苦或胸脇脹痛或小腹痛悶此肝木乘脾
工用六君柴胡山梔而愈用補中益氣加味道遙而不復作

一婦人久下血在糞前屬脾氣虛寒用補中益氣加連炒吳茱一錢
數劑稍緩乃加生吳茱五分數劑而愈

黃連炒吳茱炒
見七卷第五論

一產婦大便後血口乾飲湯胸脇膨滿小腹悶墜內熱晡熱食少體
倦日晡面赤酒漸惡寒此脾肺氣虛先用六君加乾薑木香漸愈
用補中益氣將愈用歸脾湯全愈後勞役兼怒發熱血崩夜間語
語此熱入血室用加味小柴胡二劑而熱退用補中益氣一劑而
血止用道遙散歸脾湯調理而安

○葛花解酲湯 治酒積上下外消其濕

白荳蔻 砂仁 葛花 各五分 木香 五分 青皮 三錢

陳皮 白茯苓 猪苓 人參 各一錢半 白朮

神麩 澤瀉 生乾薑 各二錢

右為末每服五錢白湯調下

○加味清胃散 方見二十四卷首論

○加味小柴胡湯 方見二十四卷第二論

○加味歸脾湯 ○歸脾湯 ○八珍湯 ○逍遙散

○加味逍遙散 五方見二十四卷第四論

○妙香散 方見六卷第八論

○四物湯 ○六君子湯 ○補中益氣湯 三方見二十四卷第六論

○產後陰脫玉門不閉方論第九

產後陰脫玉門不閉因坐產努力舉動房勞所致或脫肛痿便通瀉腫痛小便淋

愚按玉門不閉氣血虛弱也用十全大補湯腫脹嫩痛肝經虛熱也加味逍遙散若因憂怒肝脾氣血傷也加味歸脾湯若因暴怒肝火血傷也龍膽瀉肝湯仍參第八卷末諸論

附治驗

一產婦玉門不閉發熱惡寒用十全大補加五味子數劑而寒熱退用補中益氣加五味子數劑而玉門閉

一婦人脾胃素弱兼有肝火產後玉門腫痛寒熱作渴嘔吐不食外敷大黃等藥內用驅利之劑腫及於營諸症蜂起此真氣虛而邪

氣盛也先用六君子以固腸胃次用補中益氣以升陽氣不數劑

而全愈

一產婦患此失治腫潰不已形体消瘦飲食少思朝寒暮熱自汗盜汗半年矣用補中益氣加茯苓半夏膿水漸少飲食漸進用歸脾湯共五十餘劑而愈

一產婦玉門不閉小便淋瀝腹內一塊攻走脇下或脹或痛用加味逍遙散加車前子而愈

一婦人子宮腫大二日方入損落一片殊類猪肝面黃休倦飲食無味內熱肺熱自汗盜汗用十全大補湯二十餘劑諸症悉愈仍復生育

○硫黃散 治產後陽氣虛寒

硫黃 烏賊骨各半 五味子五錢

右為末搽患處日三易

一方蛇床子一升炒熱帛裹封患處亦治陰痛

一方子宮脫出以草蓀子仁十四枚研塗頂心入即洗去

附方

○十全大補湯 ○加味逍遙散 ○加味歸脾湯

○歸脾湯 四方見二十四卷第四論

○龍膽瀉肝湯 方見二十四卷第八論

○補中益氣湯 ○六君子湯 二方見二十四卷第六論

○婦人陰蝕疝方論第十

婦人少陰脉數而滑者陰中有瘡名曰愚或痛或痒如蟲行狀膿水淋瀝亦有陰蝕幾盡者皆由心神煩鬱脾胃虛弱氣血流滯耳內當

言補如人良方 二十三卷
補心養胃外以藥傳洗乃可

愚按前症乃肝脾鬱結之症木旺生蟲耳宜解鬱清肝備見八卷
陰中生瘡類

附治驗

一產婦素有肝火患此內潰痒痛食少熱渴小水淋瀝用加味道達
散加味歸脾湯兼服間以蘆薈丸外以鶴虱草煎洗而愈

治疥蟲蝕下部用蒲黃研勻傳入內
平胃散加貫眾末二錢以熟猪肝拌藥內陰中

附方

○加味歸脾湯

○加味道達散

二方見二十四卷第四論

○蘆薈丸

方見七卷第七論

○產後乳少或止方論第十一

婦人乳汁乃氣血所化若元氣虛弱則乳汁短少初產乳房嫩脹此
乳未通若怒氣乳出此肝經風熱若累產無乳此內亡津液蓋乳汁
資於衝任若婦人疾在衝任乳少而色黃者生子則怯弱而多疾
愚按前症若氣血虛弱而不能化生宜壯脾胃怒動肝膽而乳腫
汁出宜清肝火夫乳汁乃氣血所化在上為乳在下為經若屢產
無乳或大便澀滯當滋化源

附治驗

一產婦因乳少服藥通之致乳房腫脹發熱作渴余謂血氣虛以玉
露散補之而愈

○湧泉散 能下乳忌食薑椒辛辣飲食

王不留行

藿麥

麥門冬

龍骨 各二錢

右用猪蹄汁一碗酒一杯煎服以木梳於乳上梳下

治氣血虛鍾乳粉每服二錢煎漏蘆湯調

附方

○玉露散

治乳脉不行身體壯熱頭目昏痛大便澀滯等症

人參

白茯苓

桔梗 炒

芍藥 各一錢

甘草 炙六分

右水煎服

○產後乳出方論第十二

產後乳汁自出乃胃氣虛空服補藥止之若乳多滯痛用溫帛熨之未產而乳自出謂之乳泣生子多不奇

愚按前症氣血俱虛用十全大補湯肝經血熱用加味道遙散肝

經怒火用四物參朮柴梔肝脾鬱怒用加味歸脾湯

附治驗

一產婦勞役忽乳汁如湧昏眩吐痰此陽氣虛而厥也灌以獨參湯而甦更以十全大補湯數劑而安若婦人氣血方盛乳房作脹或無兒飲脹痛增寒發熱用麥芽二三兩炒熟水煎服立消其耗散血氣如此何脾胃虛弱飲食不消方中多用之

○十全大補湯 ○加味道遙散

○加味歸脾湯 三方見二十四卷第四論

○獨參湯 方見三卷第十一論

○四物湯 方見二十四卷第六論

○產後吹乳方論第十二

產後吹乳因兒飲口氣所吹令乳汁不通壅結腫痛不急治多成癰
速服括蕒散及敷南星更以手揉散之

愚按前症用藥切不可損其氣血治驗見二十四卷

括蕒散乳香二錢括蕒一箇酒煎服用南星溫湯調塗
一方用陳皮一兩甘草一錢水煎服

○產婦妬乳方論第十四

妬乳因兒未能飲餘乳蓄結以致腫痛初不吮通之必致成癰若乳
頭生瘡浸淫名妬乳宜赤龍皮湯天麻湯飛鳥膏飛鳥散傳以黃連
胡粉散

愚按乳盛或無子飲乳以致腫痛炒大麥芽煎服其乳即散若成
瘡當從乳癰類治若皮膚津淫成瘡當用本方

治乳初腫痛內消方用瓜蒌一箇粉草一兩生薑一兩半酒二碗煎服
頃去敗乳再服即愈

赤龍皮湯楸皮三升水一斗煮五升溫洗之

麻草湯以天麻草五升水煎洗之此草葉若麻葉冬生夏花赤如鼠

尾花亦洗浸淫濕痒陰蝕等瘡

飛鳥散用燒硃砂作水銀上黑煙各羅粉共三兩枯礬一兩傳之諸熱浸淫

丈夫陰蝕痒濕小兒頭瘡痒蝕瘡等

○黃連胡粉膏

黃連二兩胡粉一錢水銀一兩同研

右皮果熟煖和合傳之

一方乳頭裂破秋茄子裂開者陰蝕既存性水調塗之

婦人良方大全二十三卷終

三刻太醫院補註婦人良方大全卷之二十四

古吳 立齋薛 巳 補遺

書林 公仁余元長 重訂

瘡瘍門

○婦人繭唇方論第一 諸母木梗等
見口齒類要

內經云脾氣開於口又云脾之榮在唇蓋燥則乾熱則裂風則瞶寒則揭若腫起白皮皺裂如蠶繭名曰繭唇有腫重出如繭者有本細末大如繭如瘤者其因或胎產經行而陰血損或七情動火而榮血虧或心火傳授脾經或厚味積熱傷脾大要審本症察兼症補腎水生脾血則燥自潤火自除風自息腫自消若患者忽畧治者不察內

婦人良方大全卷之二十四

用清熱消毒之藥外用追蝕線結之法反爲敗症慎哉

附治驗

一婦人懷抱久鬱或時胃口嘈辣胸膈不利月水不調脯熱食火體倦唇腫已年餘矣此脾經鬱火傷血用歸脾湯加薑汁炒黃連山梔少佐吳茱萸嘈辣頓去飲食稍進乃去黃連加貝母遠志胸膈通利飲食如常又用加味逍遙散歸脾湯間服百餘劑月水調而唇瘡愈一婦人懷抱久鬱患齩唇雜治消痰降火虛症悉具盜汗如雨余謂此氣血虛而有熱也用當歸六黃湯內黃芩連栢俱炒黑二劑而盜汗頓止仍用歸脾湯八珍散兼服元氣漸復更以逍遙散歸脾湯間服百餘劑而唇亦瘥

一婦人唇裂內熱二年矣每作服寒涼之劑時出血水益增他症此胃火傷血而藥傷元氣也余用加味清胃散而愈後因怒唇口腫脹寒熱作嘔此屬肝木乘脾土用小柴胡加山梔茯苓桔梗諸症頓愈復以加味逍遙散調補元氣而愈

一婦人因怒唇腫內熱體倦用化痰藥食少作嘔大便不實唇出血水用理氣消導胸膈痞滿頭目不清唇腫經閉用清胃行血肢體愈倦發熱煩躁涎水湧出余曰此七情傷肝脾屢用攻伐反致他症遂用濟生歸脾湯食進便實涎止用加味逍遙散腫消熱退體健後因怒寒熱耳痛胸膈脹悶唇焮腫甚此怒動肝火而傷血用四物合小柴胡加山梔頓愈又因怒胸乳作脹肚腹作痛嘔吐酸涎飲食不入小水不通此怒動肝木而尅脾土也用補中益氣加川芎芍藥而愈又勞役怒氣飲食失節發熱喘渴體倦不食下血

如崩唇腫熾甚此爲肝經有火不能藏血脾經氣虛不能攝血用補中益氣加炒黑山梔芍藥丹皮而愈

一婦人月經不調兩足發熱至年餘而身亦熱勞則足腿酸疼又年餘唇腫裂痛又半年唇裂出血形體瘦倦飲食無味月水不通唇下腫如黑棗余曰此肝脾血虛火症也彼不信用通經藥而歿

一婦人忿怒而唇腫或用消毒之藥唇脹出血年餘矣余曰此肝木尅脾土而血傷也須養脾胃滋化源爲主彼執用前藥狀如翻花

一婦人口苦脇脹此肝火之症也用小柴胡加山梔黃連少愈更以四君子加芍藥當歸柴胡調補脾胃而痊

一婦人每怒口苦發熱嘔熱此肝火盛而血傷也以小柴胡合四物二劑以清火而生血更以四物加柴胡白朮茯苓丹皮生血健脾胃而愈

一婦人每怒則口苦兼辣胸痛脇脹乳內或時如刺此肝肺之火也用小柴胡加山梔青皮芍藥桑皮而安後又勞怒口復苦經水頓至此屬內火動血得熱而妄行用四物加炒芩炒梔膽草一劑而血止更以加味逍遙散而元氣復

一婦人因怒齒痛寒熱作嘔用清胃等藥益甚余以爲此肝火傷胃寒藥復傷故也用六君子加芍藥柴胡山梔而愈

一婦人胃中嘈辣甚則熱痛後患齒疼此胃中痰火也用二陳加芩連下越鞠丸而瘳

一婦人發熱齒痛日晡益甚月水不調此脾經血虛用逍遙散加升麻尋愈後因怒復痛仍以前藥加川芎而痊

一婦人因怒牙疼寒熱此肝火侮脾土用小柴胡加芍藥歸苓朮山梔

而疼痛止用加味逍遙散而寒熱退

一婦人每產後齒齦皆動踰日乃止此氣血虛而火動也後復懷妊

臨月余付十全大補湯二劑今產後煎服其齒不動如故

一婦人善怒舌痛煩熱或用降火化痰藥前症益甚兩脇作脹又服

流氣飲肚腹亦脹經行不止此肝虛不能藏血脾虛不能攝血而

前藥復傷也用加味歸脾湯加五味子而愈

一婦人冬患腦疽腫痛熱渴脉洪數實此膀胱濕熱上壅用清熱消

毒散潰而愈次年其舌腫大遍身患紫疔如葡萄手足尤多各刺

出黑血此脾胃積熱毒也服奪命丹七粒出臭汗瘡熱益甚又便

秘二日與大黃芩連各三錢升麻白芷山梔薄荷連翹各二錢生

草一錢水煎三五沸服之大小便出臭血甚多下體疔稍退乃入

犀角汁再服舌本及齒縫出臭血諸毒乃消更與犀角地黃湯

一婦人善怒舌本強干臂麻此肝木尅脾土治以六君子加柴胡芍

藥而愈

一婦人產後喉痛服清熱等劑益甚此膀胱經血虛也蓋膀胱之內

脉上行至喉而還用八珍湯加牡丹皮柴胡酒炒黑黃柏二劑愈

一婦人喉間作痛旬餘突腫如赤楊梅狀二月後而腫遍身筋骨作

痛余以為此時行楊梅瘡也先以草薢湯數劑而平更以四物加

草薢黃芪二十餘劑諸症悉退

附方藥

○清胃散 治醉酒厚味唇齒作痛或齒齦潰爛或連頭面頸項痛

黃連炒一錢五分 生地黃 牡丹皮 當歸各一錢 升麻二錢

右水煎服實熱便秘加大黃

○加味清胃散即前方加犀角連翹甘草

○涼膈散 治積熱煩渴面赤內熱頭昏咽痛便溺赤澁狂言譫妄
睡臥不安

大黃 朴硝 甘草各一錢 連翹二錢 梔子 黃芩

薄荷各一錢 ●右水煎服

○補黃散 治脾胃虛熱口舌生瘡畏冷飲食

人參 白朮炒各一錢 白芍藥炒 陳皮 甘草炒各五分

右薑棗水煎服

○四順清涼飲加山梔牛蒡子 治臟腑實熱秘結口舌生瘡

當歸 赤芍藥 甘草 大黃各一錢 ●用水煎服

○人參安胃散 治服峻劑損脾胃口舌生瘡

人參一錢 黃芪炒二錢 生甘草各五分 炙甘草各五分 白芍藥七錢

白茯苓一錢 黃連炒五分 ●右水煎服

○溫中丸理中丸 治中氣虛熱口舌生瘡不喜飲冷肢體倦怠飲食少思

人參 甘草炒 白朮炒各等分

右為末薑汁糊丸桐子大每服五十九丸白湯下

○柳華散 治熱毒口瘡

黃栢炒 蒲黃 青黛真正 人中白煨等分 ●為末敷之

○四物湯 治血熱口舌生瘡或牙齦腫潰或日晡發熱煩躁不安

方見本卷第六論

○加味四物湯即四物湯加丹皮柴胡山梔

了補帶人良方

二十四卷

五

○當歸補血湯 治氣血俱虛口舌生瘡熱渴引飲目赤面紅其脉

洪大而虛重按全無 方見本卷 第十一論

○四物二連湯 治血熱口舌生瘡或夜發寒熱

當歸 熟地黄 白芍藥 川芎 黃連 胡黃連 各一錢

右水煎服

○清咽利膈湯 治積熱咽喉腫痛痰涎壅盛煩躁飲冷大便秘結

金銀花 防風 荊芥 薄荷 桔梗 黃芩 黃連 山梔 連翹 玄參 大黃 朴硝

牛蒡子 甘草 各七分 ●右水煎服

○龍射聚聖丹 治心脾客熱咽喉腫痛或成癰不消或舌木腫脹

口舌生瘡或諸物骨鯁

川芎 生地黄 犀角 羚羊角 琥珀 玄參

連翹 人參 赤茯苓 馬牙硝 片腦 麝香

桔梗 升麻 鉛白霜 硃砂 牛黃 南硼砂

金箔 五十片

右各另為末和勻蜜丸龍眼大金箔為衣薄荷湯化下或噙嚥之

○拔萃桔梗湯 治熱腫喉痺

桔梗 甘草 連翹 山梔 薄荷 黃芩

右竹葉水煎服

○甘桔湯 治咽喉腫痛

甘草 苦梗 用水煎服

○解毒雄黃丸 治纏喉風腫閉或卒倒死牙關緊急

丁補昂入服

雄黃錢一

鬱金錢一

巴豆十四粒 去油殼

右為末醋糊丸菜豆大用熱茶送下七丸吐頑痰立甦

○奪命丹 治喉閉或疔毒或麻木或嘔吐重者昏憤若疔毒牙關

緊急用三五丸為末水調灌下誠有奪命之功

蟾酥乾者 酒化

輕粉各五分

枯白礬

寒水石煨

銅礪

乳香

沒藥

麝香各一錢

硃砂三錢

蝸牛二十个另研 如無亦効

右為末用蝸牛或酒糊為丸如菜豆大每服一二丸溫酒或葱湯

○換肌消毒散 治時瘡不拘初起潰爛一名草薺湯

土茯苓五錢

當歸

白芷

皂角刺炒

薏苡仁各一錢半

白鮮皮

木瓜不犯 鐵器

金銀花

木通各錢

甘草五分

右水煎服

○七味白朮散一各錢氏

白朮散

治中氣虛熱口舌生瘡不喜飲冷或吐瀉

口乾方見二十一卷第二論

○四君子湯 治脾胃虛熱唇口生瘡食少

嘔大便秘不實若肝木

乘脾土所致加柴胡芍藥方見本卷第六論

○六君子湯方見本卷第六論

○二陳湯方見本卷第五論

○越鞠丸方見六卷第七論

○補中益氣湯方見本卷第十論

○清熱消毒散方見本卷第五論

○犀角地黄湯方見本卷第二論

○當歸六黃湯方見十九卷第六論

言補如人耳本
三四卷
○逍遙散

○八珍湯

○歸脾湯

○十全大補湯

四方見本卷第四論

○小柴胡湯

方見本卷第二論

○婦人耳疼痛方論第二

耳瘡屬手少陽三焦或足厥陰肝經血虛。熱或怒動肝火而致若發熱熾痛屬三焦厥陰風熱用柴胡清肝散若內熱疼痛或脹痛屬肝火傷血用梔子清肝散若寒熱作痛或作嘔吐屬肝火傷脾用益脾清肝散若口乾足熱為肝腎陰虛用益陰腎氣丸若月經先期為血熱用加味逍遙散過期為血虛用八珍湯食少體倦為鬱火用加味歸脾湯惡寒發熱肢體倦怠為氣血俱虛用十全大補湯慎不可專治其外復傷氣血也

附治驗

一婦人耳內外腫痛胸膈不利寒熱往來小便不調余以為肝火傷血先用龍膽瀉肝湯四劑諸症頓退又用加味逍遙散而愈又因怒復作用小柴胡湯而痊

一婦人經行後因勞怒發寒熱耳作痛余以經行為血虛用八珍湯加柴胡怒氣為肝火用加味逍遙散勞役為氣傷用補中益氣湯加山梔而愈

一婦人素鬱怒耳內作痛腫嫩寒熱面色青黃經行則變赤余用加味歸脾湯加味逍遙散而愈

一婦人懷抱素鬱因怒耳作腫痛經行不止寒熱發熱面色青赤肝脈弦數余以為久鬱傷脾暴怒傷肝先用加味小柴胡湯隨用加

味逍遙散而痊

一婦人因怒發熱每經行兩耳出膿兩太陽作痛胸脇乳房脹痛或寒熱往來或小便頻數或小腹脹悶皆屬肝火血虛先用梔子清肝散二劑又用加味逍遙散數劑諸症悉退乃以補中益氣氣加五味而痊一婦人耳內腫痛出水寒熱口苦焮連頸項飲食少思此肝火甚也用小柴胡湯加山梔牡丹皮稍愈用加味逍遙散漸愈用八珍湯加柴胡丹皮山梔調補肝脾而全愈

一婦人耳內外腫痛胸脇不利寒熱往來小便不調此肝經濕熱也用龍膽瀉肝湯四劑諸症頓退用加味逍遙散而全愈又因怒復作用柴胡清肝散而痊

一婦人耳內不時脹痛內熱口乾勞則頭暈吐痰下帶此肝脾氣虛也朝用補中益氣夕用加味逍遙散而痊

一寡婦耳內外作痛不時寒熱脈上魚際此血盛之症用小柴胡加生地以抑其血而愈又項間結核如貫珠寒熱晡熱用加味歸脾湯加味逍遙散調補肝脾而愈

一婦人耳內外或作痛或赤腫或寒熱月經旬日而止潮熱內熱自汗盜汗余以為肝脾氣血俱虛而有熱用歸脾湯六味丸而愈

一婦人性急或耳內作痛或耳外赤腫發熱脇脹日晡益甚余以為怒氣傷肝氣血俱虛朝用加味逍遙散加黃柏桔梗夕用歸脾湯送地黃丸而愈

一孀婦耳內外作痛或項側結核內熱晡熱月經不調吐痰少食胸膈不利余以為鬱怒傷肝脾朝用歸脾湯以解脾鬱生脾氣夕用

加味逍遙散以清肝火生肝血而愈

一女子耳下腫赤寒熱口苦月經不調小便內結一塊此肝火氣滯而血凝也先用小柴胡加山梔川芎丹皮又用柴胡清肝散而痊
附治驗方藥

○小柴胡湯 治肝膽經症寒熱往來嘔熱潮熱身熱默默不欲飲食或怒火口苦耳聾咳嗽發熱脇下作痛甚者轉側不便兩脇痞悶或瀉利咳嗽或吐酸食苦水皆用此藥主之

柴胡錢一 黃芩錢一 人參 半夏各七 甘草各五
右薑水煎服

○加味小柴胡湯 治肝膽經風熱耳前後腫痛或結核焮痛或寒熱嘔熱或經候不調等症即小柴胡加山梔牡丹皮

○益脾清肝散 治肝經之症寒熱體痛脾胃虛弱

人參 白朮炒 茯苓各一 甘草各五 川芎 當歸
黃芪各一 柴胡各五 牡丹皮各七 ●右水煎服

○梔子清肝散 治三焦及肝膽經風熱耳內作痒或生瘡出水或脇肋胸乳作痛寒熱往來

柴胡 山梔炒 牡丹皮各一 茯苓 川芎 芍藥
當歸 牛蒡子各七 白朮炒 甘草各五 ●右水煎服

○柴胡清肝散 治肝膽三焦風熱怒火以致項胸作痛或頭目不清或耳前後痛或寒熱體疼

柴胡 黃芩炒 人參 山梔炒 川芎各一 連翹
桔梗各八 甘草各五 ●右水煎服

計神效公...
○犀角地黄湯 治上焦有熱口舌生瘡發熱或血妄行或吐

犀角鎊 生地黄 白芍藥 黃芩炒 牡丹皮 黃連炒各一錢

右水煎服若因怒而患加柴胡山梔

○犀角升麻湯 治陽明經風熱牙疼或唇頰腫痛或手足少陽經

風熱連耳作痛

犀角鎊 升麻 防風 羌活各一錢 白附子五分 川芎

白芷 黃芩炒各七分 甘草五分 ●右水煎熟入犀末服

○益陰腎氣丸 方見大卷第三論

○婦人瘰癧方論第三

婦人瘰癧或因憂思鬱怒或因胎產經行則肝膽脾腎受傷以致前症蓋肝傷則血燥血燥則筋掣累累如貫珠多生耳前後胸脇 曲者寒熱腫痛乃肝氣動而為病用柴胡梔子散以清肝火為主佐以逍遙散以養肝血若寒熱既止而核不消乃肝經之血亦病矣宜用加味四物湯以養肝血為主佐以柴胡梔子散以清肝火若初生如莖附着於筋 白色不變內熱口乾精神倦怠久不清潰乃肝脾虧損用逍遙散歸脾湯六味丸以健脾土培肝木切不宜用散堅追毒之劑故外臺秘要云肝腎虛熱則生瘰癧矣病机云瘰癧不係膏梁丹石之毒因虛勞氣鬱所致補形氣調經脈其瘡當自消散若誤下之先犯病禁經禁矣若久潰不斂脈浮大邪火盛也面色皃白金尅木也皆不治凡瘰癧赤脈貫瞳子有幾條則幾年死無則可治

附治驗

一婦人患前症久而不愈或以為木旺之症不宜於春預用散腫潰

堅湯腫硬益甚余以為肝經虧損用六味地黄丸補中益氣湯至春而愈此症若肝經風火自病元氣無虧可用散堅瀉青之劑若肝白損或水不生木用地黃丸若金來尅木須補脾土生腎水若行攻伐則脾胃傷而反致木尅土矣

一婦人患之少寐年餘而潰膿水淋漓月經或五六十日一至悞服通經丸展轉無寐午前惡寒午後發熱余謂思慮傷脾用歸脾湯作丸午前以六君子送下午後以逍遙散送下兩月餘得寐半載後經行如期年餘而瘡愈

一婦人潰後發熱煩躁作渴脉大而虛此血虛也以當歸補血湯六劑而寒熱退又以聖愈湯數劑而全愈更以八珍加貝母遠志而一瘰婦面黃體倦嘔酸噯氣余以為中氣虛弱欲用補中益氣湯加

茯苓半夏不信反降火利氣膈痞滿癰瘡腫痛又散堅利氣噯氣不絕大便不實四肢時冷余曰今變中氣虛寒矣用六君子湯加薑桂少用升麻柴胡漸愈更佐以補中湯尋愈

一婦人患此噯氣用降火清胃食少吞酸胸膈痞悶用利氣消導吐痰氣促飲食日少用清熱化痰大便堅澀內熱身瘦余曰吞酸噯氣脾胃氣虛也胸痞痰喘脾肺氣虛也大便堅澀內熱日瘦脾肺血虛也遂以補中益氣加炒黑吳茱萸三分數劑佐以六味丸諸症頓退乃用歸脾湯逍遙散間服而愈

一婦人患前症遍身作痒脉大而虛此氣血俱虛不能榮於腠理以十全大補湯治之而愈大凡潰後午前痒作氣虛午後痒作血虛若作風症治之必死

一婦人項核腫痛察其氣血俱實先以必效散一服去之更以益氣
養榮湯二十餘劑補之而消蓋此症初起而血氣虛弱者先用前
湯待其氣血稍克乃用必效散以去其毒仍用補藥無不奏效若
已成膿者即針而補托之氣血復而核不消者服散堅之劑倘不
應而氣血如故仍以必效散養榮湯又不應灸肘尖有爛二穴用
豆豉餅琥珀膏自愈若氣血壯實不用追蝕亦能自腐用藥以腐
之者使易於收斂耳若血虛而用追蝕不惟無益適以取敗凡不
慎飲食七情者不治

附方藥

○當歸川芎散 治手足少陽經血虛瘡症或風熱耳內痒痛生瘡
出水或頭目不清寒熱少食或經水不調胸膈不利腹脇痞痛小
便不調

當歸 川芎 柴胡 白朮 芍藥 牡丹皮

茯苓 蔓荊子 甘草 山梔 芍藥 牡丹皮

若肝氣不平寒熱往來加柴胡地骨皮肝氣實熱加柴胡黃芩肝
脾氣血虛熱加參芪熟地脾虛飲食少思倍加白朮茯苓脾虛胸
膈不利加人參黃芪脾虛痰滯胸膈不利加半夏肝氣不順胸膈
不利加木香肝虛小腹痞滿或時作痛加熟地脾血不足小腹作
疼加肉桂日晡發熱加熟地

○加味地黃丸 治肝腎陰虛諸症或耳內痒痛出水或眼昏痰喘
或熱渴便澁等症

乾山藥 山茱萸 牡丹皮 澤瀉 白茯苓 熟地黃

行補歸入良方 二二 廿三

生地黄

柴胡

五味子

各另為末等分

右將二地黄酒拌杵膏加密九桐子大每服百丸空心白湯下如不應用加減八味丸

○人參養榮湯 治潰瘍寒熱四肢倦怠體瘦少食面黃氣短不能收斂大瘡愈後多服之庶不變他症也

人參

陳皮

黃芪

桂心

當歸

白朮

甘草

炙各錢一 熟地黄

自製 五味子

杵 茯苓

各七分

白芍藥

一錢五分

遠志

去心五分

●右薑棗水煎服

○瀉青丸

治肝經實火脇乳作痛或惡寒發熱大便秘結

當歸

龍膽草

川芎

山梔

大黃

羌活

防風

右為末蜜丸桐子大每服三四丸白湯下若陰血不足肝火血燥

用四物加山梔柴胡或逍遙散加丹皮山梔若腎水虧損不能生

肝木而筋拳結核或肢節拳搦或似中風涎痰上湧用六味

○生地黄丸

治師尼寡婦室女乍寒乍熱或頸間結核肝脈弦長

而出魚際

赤芍藥

兩 秦艽

黃芩

硬柴胡

各五錢

生地

一兩酒拌杵膏

右為末入地黄膏加煉蜜少許丸桐子大每服三十九丸烏梅煎湯

下日進二服

○連翹飲子

治肝膽經氣滯癥癥結核或乳內結核者

連翹

川芎

瓜蒌仁

研

皂角刺

炒

橘葉

青皮

甘草節

桃仁

各一錢

●右水煎服

丁補婦人良方

二四卷

二四

○散腫潰堅湯 治瘰癧堅硬氣血無虧者宜用

升麻 連翹 當歸尾酒拌 白芍藥炒 黃柏酒炒 葛根

三稜酒拌 廣木各三分 龍膽草酒炒 桔梗炒 知母酒炒 瓜蒌根

昆布各五分 柴胡四分 甘草二分 黃芩酒炒四分 ●右水煎服

○必效散 治瘰癧未成者消已潰者斂須元氣無虧者可服若孕婦禁餌

南鵬砂二錢五分 輕粉錢一 斑猫四十枚去頭翅同 麝香錢五

巴豆五粒去殼心膜 白檳榔筒一

右為末每服一錢五更用滾湯調下如小水滯滯或微痛此瘰癧毒欲下也進益元散一服即下此方斑猫巴豆似為峻厲然用巴豆乃解斑猫之毒用者勿畏

○益元散

滑石末六錢 甘草末一錢 ●每服一錢白湯調

○琥珀膏 治頸項或腋下初結小核漸如連珠潰而膿水不絕或漏症者

琥珀兩一 丁香 桂心 硃砂 木香 松香

白芷 防風 當歸 木鱉子肉 木通各五分 麻油二斤

右先用琥珀等六味為末其餘藥入油煎焦黑濾去渣徐徐入黃丹再煎軟硬得中入前末即成膏矣

○針頭散 治一切頑瘡內有瘀肉或癰核不化瘡口不合宜此藥腐之

赤石脂錢五 乳香 白丁香 砒霜生用

黃丹各一錢 輕粉 麝香各五錢 蜈蚣一條炙乾

右爲末搽瘡肉上其肉自化若瘡口小用糊和作細條陰乾紙之
凡瘡久不合者內有膿管必須用之

○逍遙散 二方見本卷第四論

○柴胡清肝散 二方見本卷第二論

○補中益氣湯 方見本卷第十論

○四物湯 ○加味四物湯 ○六君子湯 三方見本卷第六論

○六味丸 ○歸脾補血湯 二方見本卷第十一論

○聖愈湯 方見本卷第九論

○益氣養榮湯 方見本卷第五論

○灸肩髃肘尖法 方見本卷下

○婦人結核方論第四

婦人結核皆因鬱怒虧損肝脾或因胎產經行失於調養或因暴怒
觸動膽火若結於項側耳前後或胸脇肋痛或發寒熱屬膽經風熱
怒火宜用柴胡清肝散加鈞藤山梔以養血氣清肝火若結於肉裡
其色不變眵熱內熱屬肝火血虛宜用加味逍遙散加龍膽草以養
肝血清肝火或結於肢節或累如貫珠其色不變亦肝火血燥而
筋掣宜用柴芍參苓散加鈞藤以養血氣佐以六味丸以生腎水若
時消時作此氣滯而痰結也用歸脾六君二湯以調和脾肺之氣並
佐以海藻丸若潰而核不腐或肉不生或膿水清稀肌寒肉冷自汗
盜汗寒熱內熱面色痿黃食少體倦便利不調者五臟皆虛也但用
補中益氣加味六君子二湯調補脾胃以滋諸臟則各症自退故經
云形傷則痛氣傷則腫慎不可輕用行氣破血之劑以復傷也

附治驗

一婦人項結核寒熱頭痛脇脹乳痛內熱口苦小便頻數屬肝火血虛用加味四物而愈又用加味逍遙散調補肝脾而安

一婦人經事不調肢體結核如榛如豆不計其數隱於肉裡其色不變三年餘矣大按則痛或投以降火消毒乃不按自痛發汗作渴日晡益甚經水過期左關脈數此肝火血燥也用清肝益榮湯六十餘劑諸症已愈惟項核未消又以當歸龍薈丸數服及八珍湯加柴胡山梔三十餘劑而痊

一婦人久鬱怒胸脇內股外腋各結核寒熱往來經候不調胸膈不利飲食少思大便不調左關弦洪左寸弦數右關弦緊右寸弦浮余謂左關弦洪肝經熱也左寸弦數木生火也右關弦緊肝剋脾也右寸弦浮木侮金也法當生肝血遂用加味四物湯而諸症盡用加味逍遙散而經候調用加味歸脾湯而全愈

一婦人因怒肢體結核睡中發搐左關弦洪余曰此爲肝火血燥筋攣當清肝火養元氣遂用加味小柴胡湯加味逍遙散漸愈又用八珍湯加牡丹皮柴胡山梔釣藤而愈

一婦人肢體結核胸腹痞悶氣泄稍寬余謂此肝脾鬱滯不信服降火行氣化痰病愈甚而氣愈虛余用加味逍遙加味歸脾二藥間服半載而痊

一婦人項間結核不時寒熱左目緊小頭項振掉四肢抽搐此肝火血虛風熱也用加味逍遙加釣藤數劑諸症漸愈又用八珍湯調理而痊

一婦人耳內耳後項側結核作痛寒熱口苦月經不調此肝膽經火而傷脾胃也用四君柴胡丹皮及六味地黃而愈

一婦人因怒結核經行不止發熱晝安靜而夜譫語此血分有熱也用小柴胡加生地頓安其核尚在經候先期肝脈弦數此肝火血涸而筋牽也用加味逍遙加生地月經如期而核消

一婦人項臂結核頭痛寒熱乳內時疼兩脇焮痛余以為肝脾鬱火而血燥先以加味逍遙散再用加味歸脾湯而愈

一婦人素鬱怒患前症內熱晡熱久而不愈若面色痿黃則月經過期而少若面色赤則月經先期而多余曰面黃過期脾經虛弱也面赤先期脾虛火動也朝用補中益氣升舉脾土以益氣血夕用加味逍遙滋養肝血以息陰火復以歸脾湯解鬱結半載元氣復

而痊又有患前症因脾虛下陷而發熱乃專治其瘡變瘰而殺

一女子耳下結核焮痛寒熱此傷肝經風熱用梔子清肝散一劑諸症悉愈後因怒耳後并額兩角作痛寒熱此兼少陽經症仍以前藥加羌活二劑而痊

一婦人項患五核時常寒熱肝肺弦長而出寸口此血盛無耦之症也用小柴胡湯加生地烏梅治之而愈

一婦人腹中結塊誤認血驚服驅逐之藥下血甚多致肢節間結核

附方藥

○八珍湯 治脾胃傷損惡寒發熱或煩躁作渴或因脾胃虧損膿

水清稀久不能愈等症卽四君四物二湯相合

方見本卷第二論

十全大補湯 治瘡瘍胃氣虛弱腫痛不消或潰而不斂或自汗盜汗食少體倦或寒熱作渴頭痛眩暈或似中風又治氣血俱虛胸腹脇痛或作脹滿或骨節作痛經候不調或寒熱補熱五心煩熱或吐血咽乾頭痛眩暈目昏流淚或痰嗽喘促胸膈痞痞痞痞或嘔吐泄瀉手足冷熱即八珍湯加黃芪肉桂

加味逍遙散 治肝脾血虛有熱遍身搔痒或口燥咽乾發熱盜汗食少嗜臥小便澀滯等症又治瘰癧流注虛熱等瘡

甘草 炙 當歸 酒 芍藥 炒 茯苓 白朮 炒 柴胡 牡丹皮 山梔 炒 右水煎服

逍遙散即前方去丹皮山梔
歸脾湯 治脾經失血少寐發熱盜汗或思慮傷脾不能攝血以致妄行或健忘怔忡驚悸不寐或心脾傷痛嗜臥少食或憂思傷脾血虛發熱或肢體作痛大便不調或經候不准疔熱內熱或瘰癧流注不能消散潰斂

人參 白朮 炒 黃芪 炒 白茯苓 龍眼肉 當歸 遠志 酸棗仁 炒 木香 甘草 炙 右薑棗水煎服

加味歸脾湯 即前方加柴胡山梔
柴朮參苓湯 治肝火血熱遍身瘙痒或起赤暈或筋挛結核

白朮 炒 人參 茯苓 各一錢 柴胡 川芎 山梔 炒 芍藥 炒 甘草 炒 熟地 自製 當歸 各八分 右水煎服

柴芍參苓散 治肝膽經部分結核瘰癧瘰癧等症或肝血燥熱脾氣虛弱發熱少食

柴胡 芍藥 人參 茯苓 白朮 山梔

陳皮 當歸 牡丹皮 甘草 右薑棗水煎服

○清肝益榮湯 治肝膽經風熱血燥筋挛結核或作瘕子

柴胡 山梔 當歸 川芎 芍藥 熟地黃

白朮 木瓜 茯苓 甘草 龍膽草

薏苡仁 右水煎服

○清熱涼血飲 治風熱血燥丹毒等症大便秘結

當歸 川芎 大黃 芍藥 生地黃

右水煎服

○神効開結散 消癭塊甚効

沉香 木香 橘紅

珍珠 封固煨赤取出火毒用

豬厭肉子 生頂間如棗子大

右爲末每服一錢臨臥酒調徐徐嚥下患小者三五服大者一劑

可愈切忌酸醎油膩滯氣之物須用除日於靜室修合

○海藻散堅丸 治肝經癭瘤

海藻 昆布 小麥

柴胡 龍膽草 焦二兩

右爲末煉蜜丸桐子大每服二三十丸臨臥白湯送下嚥化嚥之

尤好凡患癭癰服調治之藥未應宜佐以前二藥

○九味柴胡丸 方見本卷第八論

○梔子清肝散 方見本卷第二論

○柴胡清肝散 方見本卷第二論

○生地黄丸

方見本卷第三論

○婦人流注方論第五

婦人流注或因憂思鬱怒虧損肝脾或因產後勞役復傷氣血以致榮氣不從逆於肉裡腠理不密外邪客之或濕痰流注或跌撲血滯或產後惡露則氣流而注血注而凝或生於四肢關節或流於胸腹腰髖或結塊或漫腫皆屬虛損急用葱熨及益氣養榮湯則未成者自消已成者自潰若腫起作痛起居如常飲食如故屬病氣有餘形氣未損者尚可治若漫腫微痛起居倦怠飲食少思屬形氣病氣俱不足最爲難治不作膿或膿成不潰氣血虛也用八珍湯憎寒畏寒陽氣虛也十全大補湯哺熱內熱陰血虛也四物加參朮作嘔欲嘔胃氣虛也六君加炮薑食少體倦脾氣虛也補中益氣加茯苓半夏四肢逆冷小便頻數命門火衰也八味丸小便頻數痰盛作渴或水虧損也六味丸月經先期不日而止肝脾虛弱也月經過期多日不止肝脾虛熱也八珍湯加柴胡丹皮凡潰而寒凝瘡口不斂者用豆豉餅祛散之其潰而有膿管不斂者用針頭散腐化之若不補氣血不節飲食不慎起居不戒七情或用寒涼尅伐者俱不治

附治驗

一婦人左脅患之年許不潰堅硬不痛脉弱少食月經過期日晡發熱勞怒則痛此形氣虛而逆於肉裡也與參芪歸朮川芎芍藥熟地貝母遠志香附桔梗丹皮甘草百餘貼而消

一婦人因暴怒而腰腫一塊或胸膈不利或走氣作痛此榮氣鬱滯與方脉流氣飲數劑而止更以小柴胡對四物加香附貝母

月餘而愈

一婦人因怒脇下腫痛胸膈不利脉息沉滯此榮氣鬱遏而爲腫用方脉流氣飲數劑少愈以小柴胡對二陳加青皮桔梗貝母數劑頓退更以小柴胡對四物二十餘劑而痊

一婦人因閃胸有腫遍身作痛用黑丸子二服而痛止又用方脉流氣飲二劑而腫消更以二陳對四物加香附枳殼桔梗而愈

一婦人患此遇勞必痛衆手按之痛乃止屬氣血俱虛用十全大補湯六味丸逍遙散而痊

一婦人先肢體作痛後患流注發熱惡寒食少脇脹月經不調痰喘咳嗽五心煩熱健忘驚悸盜汗無寐悉屬肝脾虧損氣血不足用十全大補加味歸脾兼服諸症悉痊

一婦人素頭暈患流注月經遲少此屬中氣虛弱用補中益氣湯而愈後因勞仆地月經如湧此勞傷火動用前湯加五味子一劑愈
一婦人患前症用行氣化痰等藥胸膈不利飲食少思用疎利之藥大便作泄中滿不食余以爲脾胃復傷用補中益氣湯加煨薑脾胃健飲食進又用六君加芩歸百餘劑而愈

一婦人素鬱結肩臂各腫如覆杯余以爲肝脾虧損用加味逍遙散百餘劑元氣復而腫消後因勞役怒氣經行不止服涼血之劑其血如崩余以爲此因脾氣復傷下陷而血從之朝用補中益氣湯夕用加味歸脾湯而愈

一婦人懷抱鬱結不時心腹作痛寒熱倦怠服行氣化痰等劑遍身結核大小不一二十餘枚諸藥不應余用加味歸脾湯而愈

一婦人腿患筋攣骨痛諸藥不應脉遲緊此肝脾氣血虛弱而寒氣

之變也用大防風湯二劑頓退又二劑而安又一婦患之亦然先用前藥二劑更服黑丸子而痊此二患若不早治以致內潰必成敗症矣

一婦人患前症潰後發熱余以為氣血俱虛彼不信乃服敗毒表散之藥果發大熱竟至不救夫潰瘍雖有表症發熱宜以托裏為主而佐以表散之劑况於瘰癧流注乎

附方藥

○仙方活命飲 治一切瘡瘍未成者即散已成者即潰又止痛消毒之良劑也

白芷 貝母 防風 赤芍藥 當歸尾 甘草節
皂角刺 穿山甲 天花粉 乳香 沒藥 金銀花

陳皮 各三錢

●右用酒一大碗煎五七沸服

○托裡消毒散 治瘡疽元氣虛弱或行攻伐不能潰散服之未成即消已成即潰腐肉即去新肉即生

人參 黃芪 鹽水 當歸 川芎 芍藥 白朮
茯苓 各一錢 金銀花 白芷 各七分 甘草 五分 ●右水煎服

○托裡散 治瘡瘍因氣血俱虛不能起發或腐潰不能收斂及惡寒發熱者

人參 氣虛多 黃芪 各一錢 白朮 炒 陳皮 當歸
熟地黃 製自 茯苓 芍藥 酒炒 各一錢 ●右水煎服

○益氣養榮湯 治懷抱抑鬱瘰癧流注或四肢患腫肉色不變或日晡發熱或潰而不斂

人參

茯苓

陳皮

貝母

香附

當歸

酒

川芎

黃芪

鹽水

熟地黃

酒

芍藥

各一錢

甘草

炙

桔梗

各五分

白朮

炒二錢

●右薑水煎服

○朮香餅

治氣滯結腫閃胸風寒所傷作痛

木香

五錢

生地黄

一兩

右木香為末地黃杵膏和勻量患處大小作餅置患處以熱熨斗熨之腫痛悉退

○二陳湯

治中脘停痰飲食少思嘔逆等症

陳皮

去白

茯苓

半夏

各一錢

甘草

炙五分

●用水煎服

○方脈流氣飲

治惱怒胸膈脹滿或肢體作痛或結壅腫血氣無

虧方見第三卷第七論等症

○隔蒜灸法

治一切瘡毒大痛或不痛或麻木如痛者灸至不痛

不痛者灸至痛其毒隨火而散用大蒜頭去皮切三分厚安瘡頭

上用艾壯於蒜上灸之三壯換蒜復灸未成者即消已成者亦殺

其大勢不能為害如瘡大用蒜搗爛攤患處將艾鋪上燒之蒜敗

再換仍服托裏之劑如不痛或不作膿不起發者不治此氣血虛

極也

○神効葱熨法

治虛怯人肢體患腫塊或不痛或作痛或風襲於

經絡肢體疼痛或四肢筋攣骨痛又治流注跌撲傷損腫痛用葱

頭細切杵爛炒熱敷患處冷易之再熨腫痛即愈其効如神此外

補陽氣而運散壅滯之法也

○豆豉餅

治瘡瘍腫硬不潰或潰不斂并一切頑瘡惡瘡用江西

豆豉為末唾津和作餅大如錢厚如三文置患處加艾壯於上灸之乾則易之若背瘡大者用漱口水和餅覆患處鋪艾於上灸之如未成者則消已成者能殺其毒有不効者乃氣血虛也為不治

○大防風湯 方見本卷第九論

○八珍湯 方見本卷第三論

○十全大補湯 方見本卷第九論

○六君子湯 ○四物湯 二方見本卷第六論

○補中益氣湯 方見本卷第十論

○八味丸 ○六味丸 二方見本卷第十一論

○針頭散 方見本卷第三論

○小柴胡湯 方見本卷第二論

○黑九子 一名和血定痛丸 方見本卷第九論

○婦人血風瘡論第六

婦人血風瘡因肝脾肺經風熱或鬱火血燥所致其外症或身發疙痞搔痒或如丹毒痒痛或搔破膿水淋漓其內症月經失常小便不調夜熱內熱自汗盜汗惡寒憎寒肢體倦怠飲食不甘寒熱往來若發熱作痛屬肝經風熱用當歸飲加柴胡山梔若寒熱作痛屬肝脾鬱火用小柴胡加山梔黃連若疙痞搔痒屬肺經風熱用清熱消風散若經候失常內熱晡熱屬肝脾血虛用加味逍遙散若肢體倦怠寒熱往來屬肝脾氣虛用加味四君子加柴胡丹皮若夜熱作渴或兼譫語乃血分有熱用小柴胡加生地黃血虛用四物合小柴胡若無寐盜汗內熱晡熱乃脾經血虛用歸脾湯兼寒熱加山梔若愈後

身起白屑搔則肌膚如帛所隔此氣血虛不能榮於腠理用十全大補湯若用風藥以治其外則陰血復傷反致他症矣

附治驗

一婦人素清苦四肢患之誤服敗毒寒涼補熱內熱自汗盜汗月經不行口乾咽燥余謂四肢者脾之所主當調養脾血其病自愈遂用歸脾湯數劑而愈

一婦人性躁患之寒熱口苦脇痛耳鳴腹脹溺瀦年餘矣此屬肝火傷脾用四君子加柴胡炒山梔炒龍膽數劑更與逍遙散兼服而瘡愈又與六味丸及逍遙散七十餘劑而愈

一婦人日脯身痒月餘口乾又月餘成瘡服祛風治瘡之劑膿水淋漓午前畏寒午後發熱殊煩風症余謂此肝火傷脾外邪所搏先用補中益氣加山梔釣藤又以逍遙散加川芎貝母而愈

一婦人瘙痒發熱日脯益甚皮膚赤暈月經過期此血虛而有熱也以逍遙散加熟地熱止痒退更以四物加柴胡參芪炙草茯苓調

一婦人懷抱久鬱患前症膿水淋漓服連翹消毒散食以胸痞服清氣化痰湯作嘔吐痰服清熱化痰丸煩熱畏寒四肢欬熱面目赤色脉大而無力余以爲脾胃虧損而虛寒隔陽氣於外遂用六君子湯加炮薑治之諸症稍愈飲食頓進又佐以四物湯諸症漸愈又以四君子每味各一錢四物湯每味各五分諸症全愈後因勞晡熱體倦懶食小腹痞墜小便澁滯自用四物黃栢知母晡熱尤甚更煩渴眩暈余以爲脾氣下陷用補中益氣湯漸愈乃佐以逍遙散而安後月經至如崩前症復作此脾氣傷而不能統血血虛

而陰火動也仍用補中益氣而痊

一女子十二歲善怒遍身作痒用柴胡川芎山梔芍藥以清肝火以
生地當歸黃芩以涼肝血以白朮茯苓甘草以健脾土而愈半年
後遍身起赤痕或時眩暈此肝火熾甚血得熱而妄行是夜果至
附方藥

○當歸飲 治血熱癩疹痒痛膿水淋漓發熱等症

當歸

白芍藥

川芎

生地黃

白茯苓

黃芩

各一錢

防風

荆芥

何首烏

不見鐵器

甘草

各五分

右水煎服

○四君子湯

治胃氣虛弱或因尅伐以致腫不消散潰不收斂者
宜用此藥調補脾胃諸症自愈若誤用攻毒七惡隨至若飲食少

思或食難化或或作嘔或大便不實瘡口出血吐血便血尤宜用
之凡氣血俱虛之症宜用前湯但加當歸則脾胃健飲食進陰血
生若用四物沉陰則脾胃復傷反致他症若命門火衰而脾土虛
寒者必用八味丸以補土母

人參

白朮

茯苓

各二錢

甘草

各一錢

●薑棗水煎服

○加味四君子湯即前方四君子加川芎當歸

○六君子湯

治症同前即四君子湯加陳皮半夏各一錢若中氣
虛寒假熱誤服寒涼尅伐以致四肢發熱口乾舌燥嘔吐此因寒
氣隔陽於外須更加姜桂不應急加附子

○四物湯

治血虛或因失血或因尅伐或因潰後以致瞶熱內熱
煩躁不安若脾虛不能生血者宜四君加當歸并酒炒白朮以補

脾土其血自生若血虛發熱誤服寒涼尅伐之劑以致發熱作渴
目紅面赤脈洪大而虛此血脫煩躁急用當歸補血湯

當歸酒洗一錢 熟地黄三錢 芍藥炒一錢 川芎二錢 ●水煎服

○加味四物湯即四物加柴胡牡丹皮山梔

○神效當歸膏 治一切瘡瘍搔痒疼痛去腐肉生新肉其效如神

如洗拭換膏必須預備卽貼之新肉畏風故也如用白蠟尤好此藥生肌止痛補血續筋按與新肉相宜

當歸 生地黄 黃蠟各一兩 麻油六兩

右先將當歸地黃入油煎黑去渣入蠟溶化候冷攪勻卽成膏矣

如用白蠟減半

○滋陰腎氣丸 方見六卷第三論

○小柴胡湯 方見本卷第二論

○歸脾湯 ○逍遙散 二方見本卷第四論

○六味丸 方見本卷第十一論

○補中益氣湯 方見本卷第十論

○婦人赤白遊風方論第七

婦人赤白遊風屬肝經怒火血燥生風或脾經鬱結血虛生熱或腠理不密風邪外襲其症或疥瘡瘙痒或膿水淋漓白屈氣而赤屈血因得風而遊行也若肝經血燥用柴胡清肝散肝經怒火用梔子清肝散肝經血熱用加味四物湯肝火血虛用六味地黃丸脾經鬱熱用加味歸脾湯肝脾血虛風熱用加味逍遙散若因風邪鬱熱所致用荆防敗毒散或專用祛風之劑肝血愈燥則血隨火化反為敗矣

附治驗

一婦人素清苦因鬱怒患前症脯熱內熱自汗盜汗月經不行口乾咽燥余謂此鬱氣傷脾乃以歸脾湯數劑諸症稍退後兼逍遙散五十餘劑而愈

一婦人患此性躁寒熱口苦脇痛耳鳴腹脹溺澀乃肝脾血虛火旺也用六君加柴胡山梔龍膽數劑更與逍遙散兼服漸愈又與六味丸逍遙散七十餘劑諸症悉退

一婦人患前症誤服大麻風藥破而出水煩渴頭暈誠類風症六脈洪數心肝脾瀉甚余曰風自火出此因怒火脾胃受邪血燥而作非真風症也與逍遙散六味丸以清肝火滋脾血生腎水而愈

一婦人患前症久不愈食少體倦此肝脾虧損陰虛發熱也先用補中益氣加川芎炒桅元氣漸復更以逍遙散而瘡漸愈

一婦人身如丹毒搔破膿水淋漓熱渴頭暈日脯益甚用加味逍遙散而愈

一婦人患赤遊風脯熱痒甚余用清肝養血之劑不信乃服大麻風藥臂痛筋攣又服化痰順氣之劑四肢痿弱又一婦患前症數用風藥煎湯泡洗以致腹脹並破

一女子赤暈如霞作痒發熱三加味小柴胡加生地連翹丹皮而愈大凡女子天癸未至婦人月經不調受驚着惱多有此症

附方藥

○清風散 治風寒癩疹痒痛或膿水淋漓頭皮腫痒

荆芥穗

甘草

陳皮

人參

茯苓

白僵蠶

炒

防風 芫薺 藿香 羌活 蟬蛻各一錢 厚朴姜製五分

右水煎服

○大連翹飲 治風熱熱毒或赤白遊風表裏皆受患者

連翹 藿麥 荆芥 木香 赤芍藥 蟬蛻

甘草 防風 柴胡 滑石 山梔炒 黃芩炒

當歸各一錢 右水煎服

○當歸飲 治風熱赤白遊風作痒或癢破膿水淋漓等症

○四物湯 治赤白遊風血虛發熱或肺熱頭目不清或煩躁不寐

或胸脇作痛等症

○六君子湯 治脾氣虧損皮膚癢痒或癢疹不消三方見本卷第六論

○加味小柴胡湯 治肝膽經風熱怒火赤白遊風或寒熱往來嘔

熱潮熱身熱或口苦耳聾等症方見本卷第二論

○加味逍遙散 治血虛有熱遍身搔痒赤白遊風發熱嘔熱等症

○逍遙散即前方去丹皮山梔

○歸脾湯 治脾經血虛癢痒發熱少寐盜汗等症三方見本卷第四論

○荆防敗毒散 方見本卷第十論

○婦人痲疹方論第八一名便癰一名痲疹一名痲子

婦人痲疹或肝經濕熱下注或鬱怒傷損脾肝其外症或兩拘小腹腫痛或玉門焮腫作痛或寒熱往來增寒壯熱其內症或小便澀滯或腹內急痛或小腹痛悶或上攻兩脇或嘔熱重墜若兩拘小腹腫痛肝經濕熱壅滯也用龍膽瀉肝湯加木香若槩投散血攻毒之劑則誤甚矣

附治驗

一婦人拘中赤腫脹痛此膿內作用托裏消毒散加柴胡數劑潰而膿清寒熱乃氣血復虛用托裏散而寒熱止用十全大補百餘劑而愈

一婦人腹拘腫痛寒熱口苦或時帶下此肝經濕熱不利也用龍膽瀉肝湯而腫痛消用加味逍遙散而寒熱退

一婦人腹拘腫痛小水不利時或胸乳作痛脇腹作脹此肝火氣滯用四物柴胡青皮玄胡索木香而愈

一婦人拘中作痛小腹痞悶小便不利內熱體倦飲食少思此肝火內動脾胃受傷也用加味歸脾湯柴胡清肝散而安

一婦人拘中腫脹小腹作痛服下血之劑其痛益甚更吐瀉少食余以爲以爲肝脾復傷用六君子湯加升麻柴胡而愈

一婦人兩拘腫痛腹內一塊不時上攻月經不調小便不利余以爲肝脾氣滯而血傷以四君加芎歸柴胡山梔而愈後因鬱怒前症復作兼胸滿腹脹盜汗此肝木甚而傷脾土也用加味歸脾湯下薑薈丸而痊

一婦人小腹內或作痛或痞悶兩拘腫痛內熱寒熱胸膈不利飲食不甘形體日瘦此肝氣滯而脾氣傷也朝用補中益氣湯夕用薑薈丸漸愈更用六味地黃丸全愈

一婦人兩拘腫痛小腹痞脹白帶時下寒熱往來小水淋瀝余作肝氣滯而血病用龍膽瀉肝湯漸愈又用加味逍遙散六味地黃丸全愈

一婦人患前症胸膈脹悶或小水不利或時腹痛此肝火氣病先用龍膽瀉肝湯以清肝熱又用加味逍遙散以生肝血六味地黃丸

以滋腎水而愈

一婦人患前症余以為肝脾鬱怒不信另服化痰利氣之劑胸腹愈脹又服峻利疎導之劑變脾虛發腫而歿

一婦人患前症內熱作渴飲食不甘肢體倦怠陰中作梗小便赤澀此脾經鬱結肝經濕熱用加味歸脾湯而愈後因怒復作小腹脹痛用小柴胡加山梔芍歸痛止又用加味逍遙散而愈

一婦人兩拘作痛寒熱內熱小便赤澀胸膈不利此肝火動而脾氣傷也用補中益氣湯加茯苓數劑少愈又與加味歸脾湯諸症悉退再用加味逍遙散而愈

一婦人小腹痞悶滯澀內熱澀倦噤食此肝火動而脾血傷也用八珍加柴胡山梔膽草而安

一婦人陰中如梗兩拘腫痛寒熱不食小便頻數小腹重墜余以為肝脾鬱怒所致先以補中益氣加茯苓山梔車前子青皮以清肝火升脾氣更以加味歸脾湯調理脾鬱而愈

附方藥

○龍膽瀉肝湯 治肝經濕熱兩拘腫痛或腹中疼痛或小便澀滯

龍膽草酒炒 澤瀉各一 車前子炒 木通 生地黃酒炒

當歸酒炒 山梔炒 黃芩炒 甘草各五分

右水煎服

○九味柴胡湯 治肝經濕熱下注便毒腫痛或小腹脇肋結核比

肝膽經部分一切瘡瘍或風熱結核癰癤

柴胡 黃芩炒各一錢 人參 山梔炒 半夏 龍膽草炒

當歸 芍藥 甘草各五分 ●右水煎服

○蘆薈會丸 治肝氣不和尅梅脾胃而患諸症或三焦肝膽經風熱目生雲翳或疰熱癩癧耳内生瘡寒熱作痛肌體消瘦發熱作渴飲食少思肚腹不調或牙齦蝕落頰頤腐爛下部生瘡等症

蘆薈五分 胡黃連 當歸 芍藥炒 龍膽草酒湯炒焦
川芎 蕪荑各一兩 木香 甘草炒各

右為未用米糊丸麻子大每服五十九滾湯下

○加味小柴胡湯

○小柴胡湯 治肝經下部腫脹小便不利或寒熱往來或嘔熱潮熱或胸脇作痛二方見本草卷第三論

○加味逍遙散 治肝脾血虛濕熱流注下部諸症發熱嘔熱寒熱

○加味歸脾湯 治脾血鬱怒下部諸症寒熱嘔熱少食無寐或經候不調二方見本草卷第四論

○補中益氣湯 治元氣下陷下部重墜或嘔熱寒熱少食體倦或因過服寒涼之藥所致方見本草卷第十論

○加味四物湯 方見本草卷第六論
○八珍湯 治氣虛寒熱嘔熱或寒熱往來下部諸症方見本草卷第三論

○婦人鶴膝風方論第九

婦人鶴膝風症因胎產經行失調或鬱怒虧損脾肝而為外邪所傷或先腿脚牽痛或先肢體筋挛既而膝漸大腿漸細如鶴之膝故名之也若腫高赤痛者易治漫腫不赤痛者難治二三月潰而膿稠者易治半載後潰而膿清者難治設用攻伐已損元氣尤為難治也大

要當固元氣為主而佐以大方風湯若食少體倦者六君子湯為主
補熱內熱者逍遙散為主寒熱往來者八珍湯為主發熱惡寒者十
全大補湯為主少寐驚悸者歸脾湯為主月經過期者補中益氣湯
主月經先期者加味逍遙散為主凡潰後當大補脾胃若膿出反癩
或寒熱煩渴等症皆屬氣血虧損一於培補庶保終吉

附治驗

一婦人久鬱怒胸脇不利內熱寒熱經候不調遍身酸痛余謂胃氣
虧損先用補中益氣湯加半夏茯苓二十餘劑胃氣漸醒又用大
防風湯與歸脾湯膠腫漸消用加味逍遙散大方風湯而全消又
用八珍湯加牡丹皮調理氣血而安

一婦人患前症腫痛寒熱先用大方風湯一劑又用加味逍遙散四
劑月餘腫痛漸退感於速効另服祛風敗毒虛症蜂起仍用大方
風為主佐以十全大補而消又服大補湯兩月餘而痊

一婦人患前症兩拘中腿股筋牽作痛內熱寒熱此肝火氣滯之症
先用加味小柴胡湯四劑後以加味逍遙散為主佐以大方風湯
而消又患痢後兩膝腫痛寒熱往來用十全大補湯為主佐以大
防風湯而仍消

一婦人患之雖潰而腫不消朝寒暮熱飲食不思經水三四月一至
此屬肝脾氣血俱虛也用補中益氣加味歸脾二湯各三十餘劑
腫漸消而寒熱止又佐以大方風月餘而能步履再月餘經行如
期又服六味丸八珍湯三月而斂

附方藥

○大防風湯 治陰虛邪襲腿膝腫痛等症

防風 附子炮 牛膝酒浸 白朮炒 羌活 人參各一錢

川芎一錢 肉桂一錢 黃芪炒 芍藥炒 杜仲去皮姜汁拌炒

甘草五分 熟地黃自製一分 右水煎服

○黑丸子 治跌撲墮墮筋骨疼痛或瘀血壅腫或外感風寒肢體作痛若流注膝風初結服之自消若潰而膿清與補氣血藥白飲孕婦勿服

百草霜 白芍藥各一兩 南星 川烏各炮 白飲

赤小豆各一兩 白芫 當歸 骨碎補各八錢 牛膝各六錢

右爲末酒糊丸桐子大每服三十九鹽湯溫酒任下

○聖愈湯 治血虛心煩睡臥不寧或五心煩熱

地黃酒拌蒸 生地黃酒拌 黃芪多 人參 川芎

當歸各一錢 水煎服

○六味丸 方見本卷第十論

○逍遙散 ○加味逍遙散 ○八珍湯

○十全大補湯 ○歸脾湯 五方見本卷第四論

○補中益氣湯 方見本卷第十論

○四物湯 ○六君子湯 二方見本卷第六論

○婦人下注膝瘡方論第十

婦人兩膝生瘡或因胎產飲食失宜傷損脾胃或因憂思鬱怒虧損肝脾以致濕熱下注外邪所搏外膝屬足三陽可治內膝屬足三陰難治若初起發腫赤痛屬濕熱所乘用人參敗毒散或檀蘇敗毒散

若漫腫作痛或不腫不痛屬脾虛濕熱下注補中益氣湯氣血俱虛
八珍湯若膿水淋漓體倦少食內熱口乾屬脾氣虛弱補中益氣加
茯苓酒炒芍藥若午後頭目不清屬脾虛陰火用前湯加熟地芍藥
若午後發熱倦怠屬氣虛血弱用前湯加川芎熟地若懷抱鬱怒屬
脾氣不舒用歸脾湯加川芎山梔若內熱體倦痰涎口瘡屬脾腎虛
熱用六味丸若肢體畏寒飲食少思屬脾腎虛寒用八味丸大抵色
赤屬濕熱易治色黯屬虛寒難治設誤用攻伐復傷胃氣多變瘵症

附治驗

一婦人兩膝生瘡漸至遍身發熱吐痰口燥咽乾盜汗心煩足熱小便赤瀉日晡益甚此腎足三陰虛火也用加味逍遙散六味丸愈而
一婦人患前症四晝微赤作痛重墜膿水淋漓胸膈不利飲食少思

內熱口苦夜間少寐此鬱結傷脾血也用歸脾湯解鬱結生脾血
用補中益氣加茯苓半夏補脾氣除濕熱尋愈

一婦人久不愈色赤微熱日晡焮腫形體虛弱飲食少思勞則喘渴
惡寒發熱此為脾虛下陷用補中益氣湯而愈

一婦人患已三年色黯腫硬惡寒發熱飲食少思形體消瘦作渴飲
湯飲食稍多或腹脹或泄瀉或作嘔或作酸此脾氣虛寒也用補
中益氣加乾薑五分五十餘劑而愈

一婦人患此因步履勞役惡寒發熱倦怠懶食而瘡出血此元氣虛
而不能攝血歸經也用補中益氣湯而愈

一婦人患之因怒寒熱頭眩或耳項腦脇脹痛或小腹陰道悶墜或
小便頻數下血此屬肝火血熱先用小柴胡加炒黑山梔芍歸車

前二劑諸症悉退又用加味逍遙而愈後因飲食勞倦前症復作瘡口出血用補中益氣湯而安

一婦人患將兩月痲腫赤痛小便頻數飲食如常此濕毒甚而氣血虛先用活命飲二劑去其濕毒又用八珍湯調補氣血而愈

一婦人患此痲痛惡寒發熱此濕熱乘於足三陽經分用檳蘇敗毒散而寒熱退用仙方活命飲而痲痛止再用補中益氣湯而形氣健

附方藥

○人參敗毒散 治瘡瘍痲痛寒熱或拘急頭痛

人參 羌活 獨活 前胡 柴胡 桔梗

枳殼炒 茯苓 川芎 甘草各一錢 ●右水煎服

○檳蘇敗毒散即人參敗毒散加檳榔紫蘇

○補中益氣湯 治元氣虛損或因剋伐惡寒發熱倦怠少食或不

能消散生肌或兼飲食勞倦煩熱作渴

黃芪炒 人參 白朮炒 甘草炙 當歸各一錢五分 陳皮五分

柴胡 升麻各三分 ●右薑棗水煎空心午前服

○烏沉湯 生氣血補心腎上損者服之其効勝大建中湯

人參 當歸 白朮炒各二兩 烏藥 肉桂去皮 沉香各半兩

白茯苓 附子炮去皮尖各一兩

右爲末每服三錢薑棗水煎空心服

○金鎖正元丹 治真氣不足四肢怠惰脚膝酸疼目暗耳鳴自汗

盜汗一切虛損之症

五倍子兩 紫巴戟去心四兩 補骨脂酒浸炒二兩半 硃砂七錢另研

肉蓯蓉焙四兩 蒟蘆巴炒四兩 茯苓去皮二兩 龍骨一兩

右為末酒糊丸桐子大每服二十九空心溫酒或鹽湯下

○平補鎮心丹 治心血不足時或心忡驚悸夢如高墜常服安心

腎益榮衛

硃砂細研半兩為衣 人參五錢 龍齒一兩五錢 白茯苓 五味子炒

車前子炒 茯神 麥門冬去心杵膏 肉桂各一兩二錢半

遠志去心甘草製 天門冬去心杵膏 山藥製各兩五錢 酸棗仁去皮尖二錢半

熟地黃酒蒸五錢杵膏

右為末蜜丸桐子大每服三十九空心溫酒下

○威喜丸 治小便白濁

黃蠟四兩 白茯苓四兩一塊同猪苓一兩於磁器內煮二十沸濾出曬乾不用借火

右以茯苓為末銻蠟丸彈子大每服一九空心細嚼津液嚥下小便清利為度忌食米醋

○小柴胡湯 方見本卷第八論

○加味逍遙散 ○八珍湯 ○歸脾湯 三方見本卷第四論

○仙方活命飲 方見本卷第五論

○六味丸 ○八味丸 二方見本卷第十一論

○婦人足跟瘡腫方論第十一

婦人足跟足指腫痛足心發熱者皆因胎產經行失於調攝虧損足三陰虛熱所致若腫痛或出膿用六味丸為主佐以八珍湯胃虛懶食佐以六君子湯寒熱內熱佐以逍遙散晡熱益甚頭目不清佐以補中益氣湯痰盛作渴或口舌生瘡亦用前二藥以滋化源大凡發

熱晡熱內熱自汗盜汗等症皆陰假熱也故丹溪謂火起九泉陰虛之極也蓋足跟乃督脉發源之所腎經所過之地若不求其屬而泛用寒涼則誤甚矣然俗謂爲兔嚙瘡者蓋獵人被兔咬足跟久而不飲氣血瀝盡其人必死男子酒色過度者多患此症

附治驗

一婦人素血虛因大勞兩足發熱晡熱月經過期或用四物芩連飲食少思胸痞吐痰用二陳枳實黃連大便不實吐痰無度足跟作痛余曰足熱晡熱月經過期肝脾血虛也胸痞吐痰飲食少思脾胃氣虛也蓋胃爲五臟之根本胃氣一虛諸病悉至先用補中益氣加茯苓半夏脾胃漸健乃佐以六味丸補脾腎不兩月而痊

一婦人經候不調發熱晡熱胸膈不利飲食少思服清熱寬中消導之劑前症益甚更兼肢體酸痛服除濕化痰等藥經候兩三月一至服通經降火之劑足跟足指作痛其熱如炙余以爲是三陰虧損用補中益氣六味地黃兩月諸症漸退又用前湯并八珍湯而痊

一婦人足跟患腫兩腿酸軟或赤或白或痛或痒後或如無皮或如皴裂日晡至夜脹痛熾熱此屬是三陰虛損用加減八味丸及逍遙散加熱地川芎百餘劑而愈

一婦人勞則足跟熱痛余作陰血虛用八珍而痊後遍身搔痒服風藥發熱抽搐肝脉洪數此肝家血虛火盛而生風以天竺麝星爲丸用四物麥門五味芩連炙草山梔柴胡煎送而愈

一婦人兩足發熱足跟作痛日晡熱甚余謂腎肝血虛用逍遙散六味丸五十餘劑諸症悉愈

附方藥

○當歸補血湯 治脾胃損傷或因服峻劑致血氣俱虛發渴引飲目赤面紅晝夜不息其脈大而虛重按全無若慢服白虎湯必死

黃芪

兩

當歸 二錢

●用水煎服

○六味丸 一名六味地黃丸 此壯水制火之劑夫人之生以腎為主人之病多繇腎虛而致者此方乃天一生水之劑無不可用若腎虛發熱作渴小便淋秘痰壅失音咳嗽吐血頭目眩暈眼花耳聾咽喉燥痛口舌瘡裂齒不堅固腰腿痿軟五臟虧損白汗盜汗便血諸血凡肝經不足之症尤當用之蓋水能生木故也此水泛為痰之聖藥血虛發熱之神劑又治肝腎精血不足虛熱不能起牀即八味丸去附子肉桂

○八味丸 治命門火衰不能生土以致脾胃虛寒而患流注瀉等症不能消潰收斂或飲食少思或食而不化或臍腹疼痛夜多漩溺經云益火之源以消陰翳即此方也

熟地黃

自製八兩

山茱萸肉

山藥 各四兩

茯苓

牡丹皮

澤瀉

各三兩

肉桂

用三分厚者去皮取肉分許方能補腎引虛火歸源

附子

用一兩五錢重者切四塊用童便浸數日火煨切看無白星為度

右為末蜜丸桐子大每服七八十九滾湯下

○六君子湯

方見本卷第六論

○補中益氣湯

方見本卷第十論

○八珍湯

○逍遙散

二方見本卷第四論

○婦人肺癰方論第十二

仍參外科樞要

婦人肺癰因外邪內蘊或七情鬱火誤行汗下重亡津液以致肺氣

受傷而惡風咳嗽鼻塞項強胸脇脹滿呼吸不利吐痰臭濁膿血腥穢若咳嗽喘急寒邪在表也小青龍湯咳嗽胸脹寒邪內壅也葶藶大棗瀉肺湯脇脹咳唾膿血成也桔梗湯咳喘短氣或小便短少肺氣虛也佐以參芪補肺湯體倦少食或喘嗽短氣脾肺虛也佐以參朮補脾湯作渴飲冷午前嗽甚胃火盛也竹葉石膏湯作渴內熱午後嗽甚陰血虛也六味丸四物湯口乾內熱咳唾痰涎腎水虛也六味丸益氣湯黃昏熱或嗽甚陰火熾也六味丸四物湯加五味麥門五更嗽或痰甚脾肺虛也六君子湯嗽而不得眠及兩脇痛肝火血虛也六味丸益氣湯大凡前症因外淫所侵當祛邪而實土因心火太過當伐木而補金若肺氣虛弱當補脾土而生肺金若陰火上炎當補脾肺以滋腎水然而發熱喘嗽咳唾膿血飲食不入皆脾土不能生肺金肺金不能生腎水之敗症苟能純補脾土而生諸藏多有復生者若用寒涼脾胃復傷則肺金失養腎水益涸虛火上炎薰蒸於肺吾未見其能生之者其唾膿血脈浮大面色赤者俱難治若陰火妄動或勞嗽吐膿血者尤難治若膿自止脈浮短濇及始萌者易治

附治驗

一婦人素血虛發熱咳嗽服痰火之劑後吐膿血而赤脈數其勢甚危此膿成而氣血虛也余用八珍湯補元氣桔梗湯治肺癰而愈一婦人感冒風寒或用發表之劑反咳嗽喘急飲食少思胸膈不利大便不通右寸關脈浮數欲用疎通之劑余曰此因脾土虧損不能生肺金若更利之復耗津液必患肺癰矣不信仍利之虛症悉

至後果吐膿余朝用益氣湯夕用桔梗湯各數劑吐膿漸止又朝仍用前湯夕用十全大補湯各五十劑喜其善調理獲愈
一婦人咳嗽吐痰胸膈作痛右寸關浮滑項下牽強此脾胃積熱之痰非癰患也以二陳山梔白朮桔梗治之而痊
一婦人素虛內熱時咳甲辰孟冬兩尺浮洪以脾胃不健請治余曰當防患肺症丙午孟春果咳嗽左右寸脉洪數肺癰也膿已成左寸脉仍洪數乃心火尅肺金夏令可憂余用壯水健脾之劑稍愈彼遽自忽不事調攝果歿於夏令

附方藥

○青龍湯 治肺經受風寒咳嗽喘急

半夏湯炮

乾薑

細辛

麻黃去節

肉桂

芍藥

甘草

各錢一

五味子

炒五分

附子

炮五分

右水煎服

○葶藶大棗瀉肺湯 治肺癰胸膈脹滿上氣喘急或身面浮腫鼻

塞聲重用葶藶炒黃研末每服三錢先用棗十枚水煎去棗入藥再煎食後服

○桔梗湯 治肺癰咳而胸膈隱痛兩胠腫滿咽乾口燥煩悶作渴

濁唾腥臭

桔梗炒

貝母去心

當歸酒拌

瓜蒌仁

枳殼炒

薏苡仁炒

桑白皮炒

甘草節

防己去皮各錢一

黃芪鹽水拌炒

百合蒸各一錢半

五味子炒

甜葶藶炒

地骨皮

知母炒

杏仁各五分

右薑水煎服

○人參補肺湯 治肺癰腎水不足虛火上炎咳唾膿血發熱作渴

小便不調

人參

黃芪炒

白朮

茯苓

陳皮

當歸各一錢

山茱萸去核

山藥各二錢

五味子杵

麥門冬

甘草各七分

牡丹皮一錢

熟地黃自製一分

錢五分

●右薑水煎服

○參芪補脾湯

治肺症因脾氣虛弱咳唾膿涎中滿不食宜兼服

此藥以補脾土生肺金

人參

白朮各二錢

黃芪各二錢

茯苓

當歸

陳皮各一錢

升麻三分

五味子四分

炙甘草五分

●右薑水煎服

○人參平肺散

治心火剋肺金患肺痿咳嗽喘嘔痰涎壅盛胸膈痞滿咽嗑不利

痞滿咽嗑不利

人參

陳皮

青皮

茯苓

天門冬各一錢

知母一分

地骨皮一錢

甘草一分

五味子一分

桑白皮一分

●右薑水煎服

○竹葉石膏湯

治胃火盛而作渴者

淡竹葉

石膏煨

桔梗炒

木通

薄荷

甘草各一錢

右薑水煎服

○竹葉黃芪湯

治癰疽氣血虛胃火盛而作渴

淡竹葉二錢

黃芪炒

麥門冬去心

當歸

川芎

甘草炒

黃芩炒

芍藥炒

人參

半夏

石膏煨

生地黃各一錢

右水煎服

○二陳湯

方見本卷第五論

○六味丸

方見本卷第十一論

○補中益氣湯

方見本卷第十論

○四物湯

○六君子湯

二方見本卷第六論

十全大補湯

○八珍湯

二方見本卷第四論

○婦人腸癰方論第十三

婦人腸癰因經行產後瘀血或七情飲食所致其症小便如淋發熱惡風身皮甲錯腹皮腫急按之軟如腫狀或腹脹大轉側有水聲或繞臍生瘡或大便出膿其脈遲緊者膿未成用活命飲以解其毒脈滑數者膿已成用雲母膏以下其膿若二年間遍身微腫大腸與臍出膿此息積之症也多致不救內經云腸癰爲病不可驚也則腸斷而死其坐臥轉側宜徐緩時嘗少飲薄粥靜養調理庶可保生

附治驗

一婦人小腹腫痛小便如淋此毒結於內用神効瓜蒞散二劑少愈又薏苡仁湯二劑乃痊

一婦人小腹痛而有塊脉花而瀉此瘀血爲患以四物加玄胡索紅花桃仁牛膝木香二劑血下而愈

一婦人小腹脹痛大便秘瀉轉側有水聲脉洪數以梅仁湯一劑頓下諸血諸症頓退以薏苡仁湯二劑而痊

一婦人小腹脹痛小便不利脉滑數此膿已成也服太乙膏五錢膿下甚多脹痛頓退以瓜蒞散蠟礬丸托裏藥而安

一婦人因經水多服藥止之致腹作痛以失笑散二服而瘳又用加味逍遙散數劑而經調

一產婦惡露停滯小腹作痛服瓜仁湯下瘀血而痊凡瘀血停滯急宜行之緩則腐化爲膿最爲難治若流注關節則患骨疽多爲

附方藥

○瓜子仁湯 治產後惡露未盡經行瘀血停滯小腹作痛或成癰

薏苡仁四兩 桃仁去皮 牡丹皮 瓜蒌仁各一兩

右每服五七錢水煎

○敗醬散 治脉數身無熱腹無積聚按之軟濡此為腸癰久積陰冷所成

薏苡仁二兩 附子炮半兩 敗醬草一兩二分

右每服四錢水煎以小便利為度

○牡丹湯 治腸癰腹軟而痛時下膿血

牡丹皮 人參 天麻 白茯苓 黃芪炒 薏苡仁

桃仁去皮 白芷 當歸酒炒 川芎各一錢 官桂 甘草炙各五分

木香三分 右水煎服

○大黃湯 治腸癰小腹堅腫按之則痛肉色如故或歎赤微腫小便頻數汗出憎寒脉遲緊未成膿者宜服之

大黃炒 朴硝各一錢 牡丹皮 瓜蒌仁炒 桃仁去皮各二錢

右水煎服

○梅仁湯 治腸癰壅痛大便秘澀

梅仁九箇去皮尖 大黃炒 牡丹皮 芒硝各一錢 冬瓜仁研三錢

犀角一錢末 ●右水煎入犀角末服

○神仙太乙膏 治一切癰疽不問膿之成否並宜貼之更作丸服

玄參 白芷 當歸 肉桂 生地黃 赤芍藥

大黃各一兩 淨黃丹十三兩

右用麻油二斤入銅鍋內煎黑濾去渣入黃丹十二兩再煎滴水

中捻軟硬得中即成膏矣如軟更加丹雲母膏固効卒難修合太乙膏亦可

○神効黃礬丸 最解毒止痛

白礬 末一兩 明亮者

黃蠟 半兩黃色者 開一方用七錢

右和衆手丸桐子大每服三十九丸滾湯下如服金石發疽更用白礬末一兩作三五服以溫酒調下若遍身生瘡如蛇頭服之尤効此藥能解毒氣內攻也須多服方驗亦治蛇咬熔化乘熱滴傷處毒即出痛即止仍服兩許

○失笑散 治產後心腹絞痛或血迷心竅不知人事及尋常腹內瘀血積血作痛

五靈脂 去砂 土炒

蒲黃 炒各 等分

●用為末每服一二錢湯酒調

○活命飲 方見本卷第五論

○神効瓜蒌散 方見本卷第十四論

○四物湯 方見本卷第六論 ○加味逍遙散 方見本卷第四論

○乳癰乳巖方論第十四

經云乳頭屬足厥陰肝經乳房屬足陽明胃經若乳房忽壅腫痛結核色赤數日之外熈痛脹潰稠膿湧出膿盡而愈此屬膽胃熱毒氣血壅滯名曰乳癰為易治若初起內結小核或如鼈棋子不赤不痛積之歲月漸大巖崩破如熟榴或內潰深洞血水滴瀝此屬肝脾鬱怒氣血虧損名曰乳巖為難療治法熈痛寒熱宜發表散邪腫熈痛甚宜疎肝清胃或不作膿也成不潰宜用托裏或肌肉不生膿水清稀宜補脾胃或膿出反痛惡寒發熱宜補氣血或腫熈作痛痛熱

內熱宜補陰血或飲食少思時作嘔吐宜補胃氣或飲食難化泄瀉
腹痛宜補脾氣或勞碌腫痛宜補氣血怒氣痛腫宜養肝血慎不可
用尅伐之劑復傷脾胃也乳巖初患用益氣養榮湯加味逍遙加味
歸脾可以內消若用行氣破血之劑則速其亡

附治驗

一婦人內熱脇脹兩乳不時作痛口內不時辛辣若臥而起急則臍
下牽痛此帶脉爲患也用小柴胡加青皮黃連山梔二劑而瘥
一婦人因怒兩乳腫兼頭痛寒熱此肝經氣症也用人參敗毒散二
劑表症已退用小柴胡加芎歸枳殼桔梗四劑而愈
一婦人久鬱右乳內腫硬此肝經血症也用八珍加遠志貝母柴胡
青皮及隔蒜灸兼神効瓜蔓散兩月餘而瘥

一婦人先熱渴至夜尤甚後兩乳忽腫肝脉洪數乃熱入血分用加
味小柴胡湯而愈

一婦人因怒左乳作痛發熱因表散太過腫熱殊甚用益氣養榮數
劑熱止膿成因不卽針益腫脹熱渴針之膿大泄仍服前湯月餘
而愈

一婦人因怒左乳作痛胸膈不利此屬肝脾氣滯以方脉流氣飲加
木香青皮四劑而安

一婦人膿清腫硬面黃少食內熱晡熱自汗盜汗月經不行此肝脾
氣血俱虛也用十全大補加遠志貝母及補中益氣各三十餘劑
外用葱熨法而消

一婦人膿成脹痛余欲針之不從至數日針出敗膿三四碗許虛症

言神婦人良方 二十四卷 四七
蜂起幾至危殆用大補之劑兩月餘始愈

一婦人素弱多鬱患時疫後脾胃愈虛飲食愈少因怒右乳脇紅腫應內作痛或用炒麩皮熨之內痛益甚服加減四物湯腫勢愈大胸脇背心相引而痛余謂病後脾弱怒復傷肝用八珍加陳皮黃芪柴胡山梔白芷八劑稍愈去白芷加青皮木香桔梗又六劑而安

一婦人左乳內腫如桃不痛不赤發熱漸瘦此肝脾鬱怒也用八珍加香附遠志青皮柴胡百餘劑又兼神效瓜蔓散三十餘劑膿潰而愈

一婦人久鬱左乳內結核如杏三月不消心脈癢脾脈大按之無力此肝脾氣血虧損以八珍加貝母遠志香附柴胡青皮桔梗五十

餘劑而消

一婦人稟質性躁懷抱久鬱左乳內結一核按之微痛此皆氣血鬱滯以連翹飲十餘劑少退更以八珍加青皮香附桔梗貝母二十

餘劑而消

已上皆乳癰

一婦人右乳內結三核年餘不消朝寒暮熱飲食不甘此肝脾氣血虧損內服益氣養榮湯外以木香餅熨之年餘血氣復而消

一婦人乳內結核年餘晡熱少食余謂此血氣不足欲用益氣養榮湯彼反服行氣之劑潰出清膿而歿又一婦乳內結核如粟亦服前藥大如覆碗堅硬如石出血水而歿

已上皆乳癰

○神效瓜蔓散 治乳癰及一切癰疽初起腫痛卽消膿成卽潰

丁補帶

二月六

四八

肩尖肘尖二穴圖



出即愈

瓜蒌一箇生粉草爛研當歸酒洗各半兩

乳香各一錢沒藥各一錢

右用酒煎服良久再服若肝經血虛結核久而不消佐以四物柴胡升麻白朮茯苓甘草若肝脾氣血虛弱佐以四君芎歸柴胡升麻若憂鬱傷脾氣血虧損佐以歸脾湯

○玉露散 治產後乳脉不行或身體壯熱頭目昏痛大便澀滯等症

人參 白茯苓 桔梗炒 川芎

白芷 當歸各一錢芍藥各一錢甘草五分

右水煎服

丁肩背入長一
二二頁終
四十九

言補丸人
○灸肩尖肘尖二穴圖

即肩髃肘髃

此穴治療癰之秘法蓋癰癰屬肝膽二經故患耳前後項腋之間
男子多因恚怒虧損肝經之血陰火內作或不慎起居耗損腎水
不能生肝血婦女多因恚怒傷肝火動血燥或鬱結傷脾火動血
耗或患於胸乳間亦屬於前經此症若因恚怒傷肝氣血壅遏而
不愈者宜灸此穴疎通經絡若因久於鬱怒元氣虧損而不愈當
推其所屬而調補化源如取其穴常以指甲插兩肘兩肩四所患
處覺酸麻方是其穴

男子治驗見外科樞要婦人見倭
証婦人良方小兒見保嬰粹要

三洲太醫院補註婦人良方二十四卷補遺大尾終

